

Na osnovu člana 72. i 89. Zakona o javnim nabavkama u BiH, („Službeni glasnik BiH“ broj: 39/14), a nakon provedenog postupka konkurentskog zahtjeva za dostavu ponuda za nabavku i isporuku kokošijih jaja za potrebe KJU „Gerontološki centar“ Sarajevo i pravosnažne Odluke o dodjeli ugovora, br. 14-1394-6/20 od 27.10.2020. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)
2. **„VINOJUG“ d.o.o. iz Sarajeva**, ul. Igmanska br. 2-4., registrovan kod Općinskog suda u Sarajevu (matični broj subjekta upisa: 65-01-1004-12, stari broj: 1-15532), identifikacijski broj kod Porezne uprave FBiH Kantonalni ured 4200368260006, porezni broj: 01700077, identifikacijski broj obveznika PDV 200368260006, koga zastupa Direktorica Elvira Resić (u daljem tekstu: Dobavljač)

OKVIRNI SPORAZUM

za nabavku i isporuku kokošijih jaja za potrebe KJU „Gerontološki centar“ Sarajevo

Član 1.

Ovim Okvirnim sporazumom ugovorne strane su se sporazumjele da će Dobavljač tokom cijelog ugovorenog perioda kontinuirano snabdijevati Ugovornog organa kokošijim jajima.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 897-7-1-60-3-12/20 dana 30.09.2020. godine i pravosnažne Odluke o izboru najpovoljnijeg ponuđača, broj: 14-1394-6/20 od 27.10.2020.godine.

Sastavni dio ovog Okvirnog sporazuma je prihvaćena Ponuda Dobavljača br. 09-10/2020 od 09.10.2020 godine, sačinjena prema specifikaciji iz tenderske dokumentacije Ugovornog organa.

Član 2.

Ovaj Okvirni sporazum se zaključuje **na period od tri godine**, a najkasnije do finansijskog ispunjenja i izbora novog dobavljača.

U skladu sa Ponudom Dobavljača maksimalna vrijednost ovog Okvirnog sporazuma iznosi 36.000,00 KM, bez uključenog PDV-a.

Maksimalna vrijednost ovog Okvirnog sporazuma bazirana je na maksimalnoj okvirnoj količini kokošijih jaja, koja se planira nabaviti u toku trajanja okvirnog sporazuma. Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Imajući u vidu da su potrebe za predmetnom robom u ovoj ustanovi varijabilna kategorija, koja zavisi od strukture korisnika usluga, iste su specificirane prema dosadašnjim potrebama korisnika usluga, zbog čega su ugovorne strane saglasne da Ugovorni organ zadrži pravo potpune ili djelimične realizacije nabavke po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

Dobavljač se obavezuje na nepromjenljivost ponuđenih cijena kokošijih jaja tokom cijelog ugovorenog perioda.

Član 3.

U toku primjene ovog Okvirnog sporazuma ugovorne strane će zaključivati jednogodišnje periodične ugovore, kojima će se detaljno regulisati prava i obaveze ugovornih strana.

Pri zaključivanju periodičnih ugovora ne mogu se mijenjati bitni uslovi iz ovog Okvirnog sporazuma.

U okviru ugovorenog perioda za pojedinačne nabavke roba iz predmetne nabavke neće se primjenjivati odredbe propisa kojima se uređuje postupak javnih nabavki.

Član 4.

Ugovorne strane su saglasne da se roba isporučuje kontinuirano, prema nastalim potrebama Ugovornog organa, na osnovu pojedinačnih narudžbi.

Narudžba robe će se vršiti prema potrebama Ugovornog organa, i to radnim danima od ponedjeljka do petka, do 10:00 sati ujutro, na osnovu pismene narudžbenice koja će se dostavljati dobavljaču prije isporuke robe, uz obavezne podatke o količini i vrsti robe.

Rok za isporuku robe je najkasnije 2 (dva) dana od dana prijema narudžbe, i to do 10:00 sati ujutro.

Ugovorne strane su saglasne da isporuku vrši Dobavljač, na adresu Ugovornog organa, te da se prilikom isporuke i prijema izvrši zajednički pregled dostavljenih roba.

Član 5.

Osnov za plaćanje nabavljenih kokošijih jaja jesu fakture/računi koje Dobavljač dostavlja Ugovornom organu za uredno izvršene nabavke, a na osnovu otpremnih dokumenata potpisanih od strane ovlaštenog lica Ugovornog organa i Dobavljača.

Ugovorne strane su saglasne da Dobavljač fakture za plaćanje ispostavlja do 30-og u mjesecu za svu robu isporučenu u toku mjeseca, a na osnovu otpremnih dokumenata (otpremnica) potvrđenih od strane Ugovornog organa da je roba preuzeta.

Ugovorni organ se obavezuje da će plaćanje za isporučenu robu vršiti u roku od 60 dana po prijemu fakture, na transakcijski račun Dobavljača broj 1602000000452237 otvoren kod Vakufske banke d.d. Sarajevo.

Plaćanje robe po ovom Ugovoru vršit će se u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 6.

Dobavljač garantuje Ugovornom organu da u poslovanju sa hranom provodi redovan sistem kontrole sigurnosti hrane prema odredbama Zakona o hrani („Službeni glasnik BiH“ br. 50/04), odredbama Pravilnika o higijeni hrane („Službeni glasnik BiH“ br. 4/13) i odredbama Pravilnika o higijeni hrane životinjskog porijekla („Službeni glasnik BiH“ br.103/12, 28/14, 87/15), da postupa u skladu sa odredbama Pravilnika o standardima za stavljanje jaja na tržište („Službeni glasnik BiH“ br.25/10, 62/14), da ispunjavanju propisane zdravstvene uvjete za objekat, opremu i vozila namijenjena za proizvodnju, skladištenje, čuvanje i distribuciju proizvoda iz predmetne nabavke u skladu sa Pravilnikom o higijeni hrane, te da vrši redovnu dezinfekciju, dezinfekciju i deratizaciju objekata, opreme i vozila.

Dobavljač garantuje zdravstvenu ispravnost isporučenih proizvoda, kao i odgovarajući kvalitet.

Član 7.

Ugovorni organ zadržava pravo da u slučaju isporuke robe neodgovarajućeg kvaliteta ili neodgovarajuće količine, izvrši povrat iste i da zahtijeva isporuku odgovarajuće robe po kvalitetu ili količini.

Dobavljač se obavezuje da prilikom svake isporuke, isporuči robu zahtjevanog kvaliteta i odgovarajuće količine, te u higijenski urednim vozilima ili ambalaži (transportnoj i pojedinačnoj) u skladu sa zahtjevima Ugovornog organa.

Ugovorni organ zadržava pravo da u slučaju isporuke robe neodgovarajućeg kvaliteta ili neodgovarajuće količine ili u slučaju da je roba isporučena u higijenski neurednim vozilima ili ambalaži (transportnoj i pojedinačnoj), izvrši povrat iste i da zahtijeva isporuku odgovarajuće robe po kvalitetu ili količini, te u higijenski urednim vozilima ili ambalaži (transportnoj i pojedinačnoj).

U slučaju povrata robe od strane Ugovornog organa zbog razloga navedenih u stavu 1.ovog člana, Dobavljač se obavezuje da će najkasnije u roku od 2 sata otkloniti razloge zbog kojih je izvršen povrat robe i isporučiti potrebnu robu.

Član 8.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu u iznosu od 2% od vrijednosti konkretne nabavke sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu ugovornu kaznu u iznosu od 5% od vrijednosti konkretne nabavke koja nije izvršena.

Ugovorni organ se obavezuje da Dobavljača odmah obavijesti o svakom neizvršenju ili kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Ugovorni organ zadržava pravo da u slučaju ponovljenog kašnjenja ili neizvršenja ugovorenih obaveza ovaj Ugovor raskine.

Ugovorne strane su saglasne da je Dobavljač dužan postupati u skladu sa odredbama Tenderske dokumentacije, te robu isporučivati prema specifikaciji koja je sastavni dio ovog Okvirnog sporazuma i u slučaju isporuke robe koja nije navedena u specifikaciji snositi troškove isporuke iste.

Član 9.

Svi uslovi iz tenderske dokumentacije broj: 14-1394-1/20 od 30.09.2020.godine i ponude Dobavljača br.09-10/2020 od 09.10.2020.godine čine sastavni dio ovog Okvirnog sporazuma.

Član 10.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

Član 11.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

Član 12.

Odredbe ovog Okvirnog sporazuma ne mogu se mijenjati nakon njegovog zaključenja.

Član 13.

Ovaj Okvirni sporazum stupa na snagu danom potpisivanja obje ugovorne strane.

Član 14.

Eventualno nastale sporove pri realizaciji ovog okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih ovim Okvirnim sporazumom i Zakonom o obligacionim odnosima.

Član 16.

Ovaj Okvirni sporazum je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.

DOBAVLJAC

[Handwritten signature]

Broj: 279-11/2020

Datum: 11.11.2020



[Handwritten signature]

UGOVORNI ORGAN

Broj: 14-1394-8/20

Datum: 11.11.2020.godine



[Handwritten signature]